



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-2-40-221-2/24**
Datum: **20.05.2024. godine**

«Agencija za vodno područje rijeke Save» Sarajevo rješavajući po zahtjevu Grada Srebrenika, za izdavanje vodne saglasnosti za uređenje korita rijeke Tinje na području MZ Bjelave, Grad Srebrenik, na osnovu člana 114., a u vezi sa članom 109. stav (1) tačka 8. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi**

RJEŠENJE **o vodnoj saglasnosti**

1. Podnosiocu zahtjeva, Gradu Srebrenik, daje se vodna saglasnost za uređenje korita rijeke Tinje na području MZ Bjelave, Grad Srebrenik, po projektnoj dokumentaciji pod nazivom: ELABORAT: „Sanacija obale rijeke Tinje u MZ Bjelave“, urađen od strane Ibis d.o.o. Zavidovići, novembar 2019. godine, (broj: 19-IB-EL/19).
2. Vodna saglasnost se donosi na osnovu pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljena projektna dokumentacija je urađena u skladu sa osnovnim uslovima iz Rješenja o prethodnoj vodnoj saglasnosti broj: UP-1/21-1-40-065-4/23 od 27.03.2023. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
 - 3.2. Nosilac prava iz vodne saglasnosti dužan je u saradnji sa izvođačima radova i nadzornim organom prije početka radova riješiti način uklapanja (prelazne dionice) nivelete regulisanog korita u prirodno korito na profilima PR1 i PR15, tako što će se bez značajnijih zahvata u prostoru moći pristupiti realizaciji narednih dionica regulacije korita, uz istovremeno zadovoljenje zahtjeva u pogledu zaštite od plavljenja.
 - 3.3. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.4. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.5. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.6. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
 - 3.7. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.8. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
 - 3.9. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.

- 3.10. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom izgradnje zaštitnih vodnih objekata na rijeci Tinji na području MZ Bjelave, grad Srebrenik, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
- 3.11. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na uređenju korita rijeke Tinje, potrebno je odložiti na deponiju izvan vodnog dobra, a sve u skladu sa uputama nadzora i korisnika ove vodne saglasnosti.
4. Korisnik vodne saglasnosti je u suradnji sa nadležnim službama grada Srebrenika dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
 5. Ukoliko se izvođenjem radova na čišćenju korita rijeke Tinje na predmetnoj dionici ili drugim aktivnostima vezanim za predmetne radove prouzrokuju štete i naruši stabilnost korita i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
 6. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
 8. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
 9. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Grad Srebrenik je podnio zahtjev dana 26.04.2024. godine za izdavanje vodne saglasnosti za uređenje korita rijeke Tinje na području MZ Bjelave, Grad Srebrenik, po projektnoj dokumentaciji: ELABORAT: „Sanacija obale rijeke Tinje u MZ Bjelave“, urađen od strane Ibis d.o.o. Zavidovići, novembar 2019. godine, (broj: 19-IB-EL/19).

Uz zahtjev za izdavanje vodne saglasnosti dostavljena je slijedeća dokumentacija:

- Ovjerena kopija Uvjerenja o registraciji poreznog obveznika Grad Srebrenik - Gradonačelnik Izdata od Poreske uprave - Kantonalni ured Tuzla, od 19.11.2021. godine;
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-15695/21 od 22.11.2021. godine;
- Rješenje o urbanističkoj saglasnosti broj: 08-19-1-1525/23 od 19.04.2024. godine, investitoru Grad Srebrenik, zastupan po Gradonačelniku, za sanaciju i čišćenju korita rijeke Tinje na potezu 20m od mosta u Bjelavama uzvodno u dužini cca 425m, izdato od strane Službe za prostorno uređenje i zaštitu okolice, Grad Srebrenik;
- Uvjerenje o činjenicama iz službene evidencije broj: 04/1-18-04-011795/24 od 13.05.2024. godine, da na predmetnom ribolovnom području nije ustupljeno na korištenje ribolovno pravo fizičkom ili pravnom licu, izdato od Ministarstva poljoprivrede, šumarstva i vodoprivrede;
- Izjava gradonačelnika Grada Srebrenika, broj: 07-420/24 od 06.05.2024. godine, da su riješeni imovinsko pravni odnosi za realizaciju projekta uređenja korita rijeke Tinje uz izgradnju objekta za zaštitu od velikih voda na području MZ Bjelave;
- Dokaz o uplati upravne takse u iznosu od 60,00 KM;
- ELABORAT: „Sanacija obale rijeke Tinje u MZ Bjelave“, urađen od strane Ibis d.o.o. Zavidovići, novembar 2019. godine, (broj: 19-IB-EL/19).

U provedenom postupku koji je prethodio donošenju ovog rješenja utvrđeno je slijedeće:

- Investitor je za potrebe izrade projektne dokumentacije za predmetno uređenje korita rijeke Tinje angažirao projektnu kuću „Ibis“ d.o.o. Zavidovići, koja je uradila ELABORAT: „Sanacija obale rijeke Tinje u MZ Bjelave“, urađen od strane Ibis d.o.o. Zavidovići, novembar 2019. godine, (broj: 19-IB-EL/19). Projektna kuća „Ibis“ d.o.o. Zavidovići posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12);
- Da je od strane AVP Sava, rješenjem broj UP-1/21-1-40-065-4/23 od 27.03.2023. godine, izdata prethodna voda saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - o Situativni prikaz projektnog rješenja za planirane radove uređenja korita rijeke Tinje, u MZ Bjelave, razmjere 1:100. U projektnoj dokumentaciji je priložen uzdužni profil u razmjeri 1:100/1000 i poprečni profili u razmjeri 1:100;
 - o U sklopu uređenja korita predviđena je nožica obloge i obloga od lomljenog kamena čija je veličina srednjeg zrna $d_{50}=40\text{cm}$. Predviđenim radovima planirana je stabilizacija i zaštita obala od erozije i poboljšanje hidromorfoloških karakteristika obala. Na predmetnoj dionici predviđena je zaštita okolnog terena od štetnog djelovanja velikih voda $Q_{1/100}$ sa stabilizacijom i zaštitom obale od erozije;
 - o Usvojen je normalni profil, u skladu sa odabranim tipom obloge i postojećim stanjem obale. Nagib kosine obale korita je 1:1.5.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. Zakona o vodama i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.


Voditelj postupka:

Nihad Pezo, dipl.inž.građ.

Prilog: *Ovjerena dokumentacija pod nazivom:*

ELABORAT: „Sanacija obale rijeke Tinje u MZ Bjelave“, urađen od strane Ibis d.o.o. Zavidovići, novembar 2019. godine, (broj: 19-IB-EL/19).

Po ovlaštenju
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.građ.

Dostaviti:

- «Grad Srebrenik», Varoških Polja bb – 75350 Srebrenik (Prilog)
- AVP Sava, ISV – Vodna knjiga
- Sektor 40, arhiva
- oglasna ploča AVP – Sava